

## הושע

1 דבר יהוה אשר היה אל הושע בן בארי בימי עזיה ויתם אחז יחזקיה מלכי יהודה ובימי ירבעם בן יואש מלך ישראל: 2 תחלת דבר יהוה בהושע ויאמר יהוה אל הושע לך קח לך אשת זנונים וילדי זנונים כי זנה תזנה הארץ מאחרי יהוה: 3 וילך ויקח את גמר בת דבלים ותהר ותלד לו בן: 4 ויאמר יהוה אליו קרא שמו יזרעאל כי עוד מעט ופקדתי את דמי יזרעאל על בית יהוה והשבתי ממלכות בית ישראל: 5 והיה ביום ההוא ושברתי את קשת ישראל בעמק יזרעאל: 6 ותהר עוד ותלד בת ויאמר לו קרא שמה לא רחמה כי לא אוסיף עוד ארחם את בית ישראל כי נשא אשא להם: 7 ואת בית יהודה ארחם והושעתים ביהוה אלהיהם ולא אושיעם בקשת ובחרב ובמלחמה בסוסים ובפרשים: 8 ותנמל את לא רחמה ותהר ותלד בן: 9 ויאמר קרא שמו לא עמי כי אתם לא עמי ואנכי לא אהיה לכם: 10 והיה מספר בני ישראל כחול הים אשר לא ימד ולא יספר והיה במקום אשר יאמר להם לא עמי אתם יאמר להם בני אל חי: 11 ונקבצו בני יהודה ובני ישראל יחדו ושמו להם ראש אחד ועלו מן הארץ כי גדול יום יזרעאל:

## 2

1 אמרו לאחיכם עמי ולאחותיכם רחמה: 2 ריבו באמכם ריבו כי היא לא אשתי ואנכי לא אישה ותסר

זנוניה מפניה ונאפופיה מבין שדיה: <sup>3</sup> פן אפשיטנה ערמה והצנתיה כיום הולדה ושמתייה כמדבר ושתה כארץ ציה והמתיה בצמא: <sup>4</sup> ואת בניה לא ארחם כי בני זנונים המה: <sup>5</sup> כי זנתה אמם הבישה הורתם כי אמרה אלכה אחרי מאהבי נתני לחמי ומימי צמרי ופשתי שמני ושקויי: <sup>6</sup> לכן הנני שך את דרכך בסירים וגדרתי את גדרה ונתיבותיה לא תמצא: <sup>7</sup> ורדפה את מאהביה ולא תשיג אתם ובקשתם ולא תמצא ואמרה אלכה ואשובה אל אישי הראשון כי טוב לי אז מעתה: <sup>8</sup> והיא לא ידעה כי אנכי נתתי לה הדגן והתירוש והיצהר וכסף הרביתי לה וזהב עשו לבעל: <sup>9</sup> לכן אשוב ולקחתי דגני בעתו ותירושי במועדו והצלתי צמרי ופשתי לכסות את ערותה: <sup>10</sup> ועתה אגלה את נבלתה לעיני מאהביה ואיש לא יצילנה מידי: <sup>11</sup> והשבתי כל משושה חנה חדשה ושבתי וכל מועדה: <sup>12</sup> והשמתי גפנה ותאנתה אשר אמרה אתנה המה לי אשר נתנו לי מאהבי ושמתים ליער ואכלתם חית השדה: <sup>13</sup> ופקדתי עליה את ימי הבעלים אשר תקטיר להם ותעד נזמה וחליתה ותלך אחרי מאהביה ואתי שכחה נאם יהוה: <sup>14</sup> לכן הנה אנכי מפתיה והלכתייה המדבר ודברתי על לבה: <sup>15</sup> ונתתי לה את כרמיה משם ואת עמק עכור לפתח תקוה וענתה שמה כימי נעוריה וכיום עלתה מארץ מצרים: <sup>16</sup> והיה ביום ההוא נאם יהוה תקראי אישי ולא תקראי לי עוד בעלי: <sup>17</sup> והסרתי את שמות הבעלים מפיה ולא יזכרו עוד בשמם: <sup>18</sup> וכרתי להם ברית ביום ההוא עם חית השדה ועם עוף השמים ורמש האדמה וקשת וחרב ומלחמה אשבור מן הארץ והשכבתים לבטח: <sup>19</sup> וארשתיך לי

לעולם וארשתיך לי בצדק ובמשפט ובחסד וברחמים:  
 20 וארשתיך לי באמונה וידעת את יהוה: 21 והיה ביום  
 ההוא אענה נאם יהוה אענה את השמים והם יענו את  
 הארץ: 22 והארץ תענה את הדגן ואת התירוש ואת  
 היצהר והם יענו את יזרעאל: 23 וזרעתיה לי בארץ  
 ורחמתי את לא רחמה ואמרתי ללא עמי עמי אתה והוא  
 יאמר אלהי:

### 3

1 ויאמר יהוה אלי עוד לך אהב אשה אהבת רע  
 ומנאפת כאהבת יהוה את בני ישראל והם פנים אל  
 אלהים אחרים ואהבי אשישי ענבים: 2 ואכרה לי  
 בחמשה עשר כסף וחמר שערים ולתך שערים: 3 ואמר  
 אליה ימים רבים תשבי לי לא תזני ולא תהיי לאיש  
 וגם אני אליך: 4 כי ימים רבים ישבו בני ישראל אין  
 מלך ואין שר ואין זבח ואין מצבה ואין אפוד ותרפים:  
 5 אחר ישבו בני ישראל ובקשו את יהוה אלהיהם ואת  
 דויד מלכם ופחדו אל יהוה ואל טובו באחרית הימים:

### 4

1 שמעו דבר יהוה בני ישראל כי ריב ליהוה עם יושבי  
 הארץ כי אין אמת ואין חסד ואין דעת אלהים בארץ:  
 2 אלה וכחש ורצח וגנב ונאף פרצו ודמים בדרמים נגעו:  
 3 על כן תאבל הארץ ואמלל כל יושב בה בחית השדה  
 ובעוף השמים וגם דגי הים יאספו: 4 אך איש אל ירב ואל  
 יוכח איש ועמך כמריבי כהן: 5 וכשלת היום וכשל גם  
 נביא עמך לילה ודמיתי אמך: 6 נדמו עמי מבלי הדעת  
 כי אתה הדעת מאסת ואמאסאך מכהן לי ותשכח תורת

אלהיך אשכח בניך גם אני: <sup>7</sup> כרבם כן חשאו לי כבודם בקלון אמיר: <sup>8</sup> חטאת עמי יאכלו ואל עונם ישאו נפשו: <sup>9</sup> והיה כעם ככהן ופקדתי עליו דרכיו ומעלליו אשיב לו: <sup>10</sup> ואכלו ולא ישבעו הזנו ולא יפרצו כי את יהוה עזבו לשמר: <sup>11</sup> זנות ויין ותירוש יקח לב: <sup>12</sup> עמי בעצו ישאל ומקלו יגיד לו כי רוח זנונים התעה ויזנו מתחת אלהיהם: <sup>13</sup> על ראשי ההרים יזבחו ועל הגבעות יקטרו תחת אלון ולבנה ואלה כי טוב צלה על כן תזנינה בנותיכם וכלותיכם תנאפנה: <sup>14</sup> לא אפקוד על בנותיכם כי תזנינה ועל כלותיכם כי תנאפנה כי הם עם הזנות יפרדו ועם הקדשות יזבחו ועם לא יבין ילבט: <sup>15</sup> אם זנה אתה ישראל אל יאשם יהודה ואל תבאו הנגלגל ואל תעלו בית און ואל תשבעו חי יהוה: <sup>16</sup> כי כפרה סררה סרר ישראל עתה ירעם יהוה ככבש במרחב: <sup>17</sup> חבור עצבים אפרים הנח לו: <sup>18</sup> סר סבאם הזנה הזנו אתבו הבו קלון מגניה: <sup>19</sup> צרר רוח אותה בכנפיה ויבשו מזבחותם:

## 5

<sup>1</sup> שמעו זאת הכהנים והקשיבו בית ישראל ובית המלך האזינו כי לכם המשפט כי פח הייתם למצפה ורשת פרושה על תבור: <sup>2</sup> ושחטה שטים העמיקו ואני מוסר לכלם: <sup>3</sup> אני ידעתי אפרים וישראל לא נכחד ממני כי עתה הזנית אפרים נטמא ישראל: <sup>4</sup> לא יתנו מעלליהם לשוב אל אלהיהם כי רוח זנונים בקרבם ואת יהוה לא ידעו: <sup>5</sup> וענה גאון ישראל בפניו וישראל

ואפרים יכשלו בעונם כשל גם יהודה עמם: <sup>6</sup> בצאנם ובבקרם ילכו לבקש את יהוה ולא ימצאו חליץ מהם: <sup>7</sup> ביהוה בגדו כי בנים זרים ילדו עתה יאכלם חדש את חלקיהם: <sup>8</sup> תקעו שופר בגבעה חצצרה ברמה הריעו בית און אחר־ך בנימין: <sup>9</sup> אפרים לשמה תהיה ביום תוכחה בשבטי ישראל הודעתי נאמנה: <sup>10</sup> היו שרי יהודה כמסיגי גבול עליהם אשפוך כמים עברתי: <sup>11</sup> עשוק אפרים רצוץ משפט כי הואיל הלך אחרי צו: <sup>12</sup> ואני כעש לאפרים וכרקב לבית יהודה: <sup>13</sup> וירא אפרים את חליו ויהודה את מזרו וילך אפרים אל אשור וישלח אל מלך ירב והוא לא יוכל לרפא לכם ולא יגהה מכם מזור: <sup>14</sup> כי אנכי כשחל לאפרים וככפיר לבית יהודה אני אני אטרף ואלך אשא ואין מציל: <sup>15</sup> אלך אשובה אל מקומי עד אשר יאשמו ובקשו פני בצר להם ישחרנני:

## 6

<sup>1</sup> לכו ונשובה אל יהוה כי הוא טרף וירפאנו יך ויחבשנו: <sup>2</sup> יחינו מימים ביום השלישי יקמנו ונחיה לפניו: <sup>3</sup> ונדעה נרדפה לדעת את יהוה כשחר נכון מצאו ויבוא כגשם לנו כמלקוש יורה ארץ: <sup>4</sup> מה אעשה לך אפרים מה אעשה לך יהודה וחסדכם כענן בקר וכטל משכים הלך: <sup>5</sup> על כן חצבתי בנביאים הרגתים באמרי פי ומשפטיך אור יצא: <sup>6</sup> כי חסד חפצתי ולא זבח ודעת אלהים מעלות: <sup>7</sup> והמה כאדם עברו ברית שם בגדו בי: <sup>8</sup> גלעד קרית פעלי און עקבה מדם: <sup>9</sup> וכחכי

איש גדודים חבר כהנים דרך ירצחו שכמה כי זמה עשו: 10 בבית ישראל ראיתי שעריריה שם זנות לאפרים נטמא ישראל: 11 גם יהודה שת קציר לך בשובי שבות עמי:

## 7

1 כרפאי לישראל ונגלה עון אפרים ורעות שמרון כי פעלו שקר ונגב יבוא פשט גדוד בחוץ: 2 ובל יאמרו ללבכם כל רעתם זכרתי עתה סבבום מעלליהם נגד פני היו: 3 ברעתם ישמחו מלך ובכחשיהם שרים: 4 כלם מנאפים כמו תנור בערה מאפה ישבות מעיר מלוש בצק עד חמצתו: 5 יום מלכנו החלו שרים חמת מין משך ידו את לצצים: 6 כי קרבו כתנור לבם בארבעם כל הלילה ישן אפהם בקר הוא בער כאש להבה: 7 כלם יחמו כתנור ואכלו את שפטיהם כל מלכיהם נפלו אין קרא בהם אלי: 8 אפרים בעמים הוא יתבולל אפרים היה עגה בלי הפוכה: 9 אכלו זרים כחו והוא לא ידע גם שיבה זרקה בו והוא לא ידע: 10 וענה גאון ישראל בפניו ולא שבו אל יהוה אלהיהם ולא בקשהו בכל זאת: 11 ויהי אפרים כיונה פותה אין לב מצרים קראו אשור הלכו: 12 כאשר ילכו אפרוש עליהם רשתי כעוף השמים אורידם איסרם כשמע לעדתם: 13 אוי להם כי נדרו ממני שד להם כי פשעו בי ואנכי אפדם והמה דברו עלי כזבים: 14 ולא זעקו אלי בלבם כי ילילו על משכבותם על דגן ותירוש יתגוררו יסורו בי: 15 ואני יסרתי חזקתי זרועתם ואלי יחשבו רע: 16 ישובו לא על היו כקשת

רמיה יפלו בחרב שריהם מזעם לשונם זו לעגם בארץ מצרים:

## 8

1 אל חכך שפר כנשר על בית יהוה יען עברו בריתי ועל תורתני פשעו: 2 לי יזעקו אלהי ידענוך ישראל: 3 זנח ישראל טוב אויב ירדפו: 4 הם המליכו ולא ממני השירו ולא ידעתי כספם וזהבם עשו להם עצבים למען יכרת: 5 זנח עגלך שמרון חרה אפי בם עד מתי לא יוכלו נקין: 6 כי מישראל והוא חרש עשהו ולא אלהים הוא כי שבבים יהיה עגל שמרון: 7 כי רוח יזרעו וסופתה יקצרו קמה אין לו צמח בלי יעשה קמח אולי יעשה זרים יבלעהו: 8 נבלע ישראל עתה היו בגוים ככלי אין חפץ בו: 9 כי המה עלו אשור פרא בודד לו אפרים התנו אהבים: 10 גם כי יתנו בגוים עתה אקבצם ויחלו מעט ממשא מלך שרים: 11 כי הרבה אפרים מזבחת לחטא היו לו מזבחות לחטא: 12 אכתוב לו רבו תורתני כמו זר נחשבו: 13 זבחי הבהבי יזבחו בשר ויאכלו יהוה לא רצם עתה יזכר עונם ויפקד חטאותם המה מצרים ישובו: 14 וישכח ישראל את עשהו ויבן היכלות ויהודה הרבה ערים בצרות ושלחתי אש בעריו ואכלה ארמנתיה:

## 9

1 אל תשמח ישראל אל גיל כעמים כי זנית מעל אלהיך אהבת אתנן על כל גרנות דגן: 2 גרן ויקב לא ירעם ותירוש יכחש בה: 3 לא ישבו בארץ יהוה

ושב אפרים מצרים ובאשור טמא יאכלו: 4 לא יסכו ליהוה יין ולא יערבו לו זבחיהם כלחם אונים להם כל אכליו יטמאו כי לחמם לנפשם לא יבוא בית יהוה: 5 מה תעשו ליום מועד וליום חג יהוה: 6 כי הנה הלכו משד מצרים תקבצם מף תקברם מחמד לכספם קמוש יירשם חוח באהליהם: 7 באו ימי הפקדה באו ימי השלם ידעו ישראל אויל הנביא משגע איש הרוח על רב עונך ורבה משטמה: 8 צפה אפרים עם אלהי נביא פח יקוש על כל דרכיו משטמה בבית אלהיו: 9 העמיקו שחתו כימי הגבעה יזכור עונם יפקוד חטאתם: 10 כענבים במדבר מצאתי ישראל כבכורה בתאנה בראשיתה ראיתי אבותיכם המה באו בעל פעור וינזרו לבשת ויהיו שקוצים כאהבם: 11 אפרים כעוף יתעופף כבודם מלדה ומבטן ומהריון: 12 כי אם יגדלו את בניהם ושכלתים מאדם כי גם אוי להם בשורי מהם: 13 אפרים כאשר ראיתי לצור שתולה בנוה ואפרים להוציא אל הורג בניו: 14 תן להם יהוה מה תתן תן להם רחם משכיל ושדים צמקים: 15 כל רעתם בגלגל כי שם שנאתים על רע מעלליהם מביתי אנרשם לא אוסף אהבתם כל שריהם סררים: 16 הכה אפרים שרשם יבש פרי בלי יעשון גם כי ילדון והמתי מחמדו בטנם: 17 ימאסם אלהי כי לא שמעו לו ויהיו נרדים בגוים:

## 10

1 גפן בוקק ישראל פרי ישוה לו כרב לפריו הרבה למזבחות כטוב לארצו היטיבו מצבות: 2 חלק לבם עתה יאשמו הוא יערף מזבחותם ישדר מצבותם: 3 כי



עתה יאמרו אין מלך לנו כי לא יראנו את יהוה והמלך  
 מה יעשה לנו: 4 דברו דברים אלות שוא כרת ברית  
 ופרח כראש משפט על תלמי שדי: 5 לעגלות בית און  
 יגורו שכן שמרון כי אבל עליו עמו וכמריו עליו יגילו  
 על כבודו כי גלה ממנו: 6 גם אותו לאשור יובל מנחה  
 למלך ירב בשנה אפרים יקח ויבוש ישראל מעצתו:  
 7 נדמה שמרון מלכה כקצף על פני מים: 8 ונשמדו  
 במות און חטאת ישראל קוץ ודרדר יעלה על מזבחותם  
 ואמרו להרים כסונו ולגבעות נפלו עלינו: 9 מימי הגבעה  
 חטאת ישראל שם עמדו לא תשיגם בגבעה מלחמה  
 על בני עלוה: 10 באותי ואסרם ואספו עליהם עמים  
 באסרם לשתי עינתם: 11 ואפרים עגלה מלמדה אהבתי  
 לדוש ואני עברתי על טוב צוארה ארכיב אפרים יחרוש  
 יהודה ישדד לו יעקב: 12 זרעו לכם לצדקה קצרו לפי  
 חסד נירו לכם ניר ועת לדרוש את יהוה עד יבוא וירה  
 צדק לכם: 13 חרשתם רשע עולתה קצרתם אכלתם פרי  
 כחש כי בטחת בדרכך ברב גבוריך: 14 וקאם שאון  
 בעמך וכל מבצריך יושד כשד שלמן בית ארבאל ביום  
 מלחמה אם על בנים רטשה: 15 ככה עשה לכם בית אל  
 מפני רעת רעתכם בשחר נדמה נדמה מלך ישראל:

## 11

1 כי נער ישראל ואהבהו וממצרים קראתי לבני:  
 2 קראו להם כן הלכו מפניהם לבעלים יזבחו ולפסלים  
 יקטרון: 3 ואנכי תרגלתי לאפרים קחם על זרועתיו  
 ולא ידעו כי רפאתים: 4 בחבלי אדם אמשכם בעבתות  
 אהבה ואהיה להם כמרימי על על לחיהם ואט אליו

אוכיל: 5 לא ישוב אל ארץ מצרים ואשור הוא מלכו כי מאנו לשוב: 6 וחלה חרב בעריו וכלתה בדיו ואכלה ממעצותיהם: 7 ועמי תלואים למשובתי ואל על יקראהו יחד לא ירומם: 8 איך אתנך אפרים אמגנך ישראל איך אתנך כאדמה אשימך כצבאים נהפך עלי לבי יחד נכמרו נחומי: 9 לא אעשה חרון אפי לא אשוב לשחת אפרים כי אל אנכי ולא איש בקרבך קדוש ולא אבוא בעיר: 10 אחרי יהוה ילכו כאריה ישאג כי הוא ישאג ויחרדו בנים מים: 11 יחרדו כצפור ממצרים וכיונה מארץ אשור והושבתים על בתיהם נאם יהוה: 12 סבבני בכחש אפרים ובמרמה בית ישראל ויהודה עד רד עם אל ועם קדושים נאמן:

## 12

1 אפרים רעה רוח ורדף קדים כל היום כזב ושד ירבה וברית עם אשור יכרתו ושמן למצרים יובל: 2 וריב ליהוה עם יהודה ולפקד על יעקב כדרכיו כמעלליו ישיב לו: 3 בבטן עקב את אחיו ובאוננו שרה את אלהים: 4 וישר אל מלאך ויכל בכה ויתחנן לו בית אל ימצאנו ושם ידבר עמנו: 5 ויהוה אלהי הצבאות יהוה זכרו: 6 ואתה באלהיך תשוב חסד ומשפט שמר וקוה אל אלהיך תמיד: 7 כנען בידו מאזני מרמה לעשק אהב: 8 ויאמר אפרים אך עשרתי מצאתי און לי כל יגיעי לא ימצאו לי עון אשר חטא: 9 ואנכי יהוה אלהיך מארץ מצרים עד אושיבך באהלים כימי מועד: 10 ודברתי על הנביאים ואנכי חזון הרביתי

וביד הנביאים אדמה: <sup>11</sup> אם גלעד און אך שוא היו  
 בגלגל שורים זבחו גם מזבחותם כגלים על תלמי שדי:  
<sup>12</sup> ויברח יעקב שדה ארם ויעבד ישראל באשה ובאשה  
 שמר: <sup>13</sup> ובנביא העלה יהוה את ישראל ממצרים  
 ובנביא נשמר: <sup>14</sup> הכעיס אפרים תמרורים ודמיו עליו  
 יטוש וחרפתו ישיב לו אדניו:

### 13

<sup>1</sup> כדבר אפרים רתת נשא הוא בישראל ויאשם  
 בבעל וימת: <sup>2</sup> ועתה יוספו לחטא ויעשו להם מסכה  
 מכספם כתבונם עצבים מעשה חרשים כלה להם הם  
 אמרים זבחי אדם עגלים ישקון: <sup>3</sup> לכן יהיו כענן בקר  
 וכטל משכים הלך כמץ יסער מגרן וכעשן מארבה:  
<sup>4</sup> ואנכי יהוה אלהיך מארץ מצרים ואלהים זולתי לא  
 תדע ומושיע אין בלתי: <sup>5</sup> אני ידעתך במדבר בארץ  
 תלאבות: <sup>6</sup> כמרעיתם וישבעו שבעו וירם לבם על כן  
 שכחוני: <sup>7</sup> ואהי להם כמו שחל כנמר על דרך אשור:  
<sup>8</sup> אפגשם כדב שכול ואקרע סגור לבם ואכלם שם  
 כלביא חית השדה תבקעם: <sup>9</sup> שחתך ישראל כי בי  
 בעזרך: <sup>10</sup> אהי מלכך אפוא ויושיעך בכל עריך ושפטיך  
 אשר אמרת תנה לי מלך ושרים: <sup>11</sup> אתן לך מלך באפי  
 ואקה בעברתי: <sup>12</sup> צרור עון אפרים צפונה חטאתו:  
<sup>13</sup> חבלי יולדה יבאו לו הוא בן לא חכם כי עת לא  
 יעמד במשבר בנים: <sup>14</sup> מיד שאול אפרם ממות אנאלם  
 אהי דברייך מות אהי קטבך שאול נחם יסתר מעיני:  
<sup>15</sup> כי הוא בין אחים יפריא יבוא קדים רוח יהוה ממדבר  
 עלה ויבוש מקורו ויחרב מעינו הוא ישסה אוצר כל כלי

חמדה: 16 תאשם שמרון כי מרתה באלהיה בחרב יפלו  
עלליהם ירטשו והריותיו יבקעו:

## 14

1 שובה ישראל עד יהוה אלהיך כי כשלת בעונך:  
2 קחו עמכם דברים ושובו אל יהוה אמרו אליו כל תשא  
עון וקח טוב ונשלמה פרים שפתינו: 3 אשור לא יושיענו  
על סוס לא נרכב ולא נאמר עוד אלהינו למעשה ידינו  
אשר בך ירחם יתום: 4 ארפא משובתם אהבם גדבה כי  
שב אפי ממנו: 5 אהיה כטל לישראל יפרח כשושנה ויך  
שרשיו כלבנון: 6 ילכו ינקותיו ויהי כזית הודו וריח לו  
כלבנון: 7 ישבו ישבי בצלו יחיו דגן ויפרחו כגפן זכרו  
כיין לבנון: 8 אפרים מה לי עוד לעצבים אני ענית  
ואשורנו אני כברוש רענן ממני פריך נמצא: 9 מי חכם  
ויבן אלה נבון וידעם כי ישרים דרכי יהוה וצדקים ילכו  
בם ופשעים יכשלו בם:

מודרני עברי ד תנ

**The Holy Bible in Modern Hebrew**

Public Domain

Language: עברית (Hebrew)

2022-06-14

---

PDF generated using Haiola and XeLaTeX on 11 Nov 2022 from source files dated 15 Jun 2022

53d9715c-3509-54f2-9e87-2cb0afdfb800